



UNIVERSITÄTS-
BIBLIOTHEK
PADERBORN

Universitätsbibliothek Paderborn

Examen Theologiæ Moralis

Moure, Antonio Fernandes de

Coloniæ Agrippinæ

Text

urn:nbn:de:hbz:466:1-40934



AVREVS TRACTATVS

de Ratione administrandi Sacramentum Confessionis, à S. Carolo Borromæo Cardinali editus,
& ex Bibliotheca P. Antonij Possevini in gratiam Confessariorum excerptus, ac
huic operi haud incongruè adiectus.

Notent Confessarij & sapient.



T Confessarij pœnitentiæ Sacramentum administrent, eo cum frœtu, qui maximus esse possit (is verò in sincera vita emendatione positus est) neve in tanti ponderis negotio cum propriæ conscientiæ summo onere conuenientem non adhibuisse diligentiam videantur (id quod sumopere timendum est multis, ne scilicet in grauem reprehensionem incident eorum industria, cum de tanto numero confitentium, tam exiguam emendationem videamus in ijs, qui toties, & tam multis abhinc annis hoc Sacramentum frequentarunt) præceptiones, & admonitiones nostras omnes iam pridem diuersis temporibus hac de re datas in unum conculimus, atque alias quasdam ijs adiunximus, quas in hunc finem utiles, & necessarias esse sumus arbitrati. Quamobrem per viscera misericordiæ Domini Nostri IESV CHRISTI eos exhortamur, ut quemadmodum eorum officium, & vocatio requirit, hac in causa, & negotio, quod ad animarum salutem usque adeò pertinet, summa cum diligentia nostræ sollicitudini cooperari velint, nostramque intentionem in eo postam, ut populus Christianus,

stianus, quem Dominus nobis regendum tradidit, in viam salutis commodè dirigatur, promouere pro sua virili studeant.

Nullus sine approbatione Confessiones audire potest, ne puerorum quidem.

Nullus igitur neque sacerdotalis, neque regularis Sacerdos Pœnitentia Sacramentum aggredi præsumat, si non approbationem, & licentiam antea nostram in scriptis habeat, ut rite Concilium Tridentinum ordinavit; si aliter fecerit, excommunicationis pœnam ipso facto, iuxta primi Concilij nostri Provincialis decretum, incurrisse nouerit, & si Sacrum Missæ officium postea celebret, irregularis erit.

Caveat autem sibi quisque hac in re, ne prætextu minoris ætatis, se abduci a recto patiatur, quasi pueri sint, qui nondum ad usum rationis peruenient, quorum audit confessiones: solet enim usu venire, ut in pueris etiam, quamuis in ætate sint adhuc tenera, peccata mortalia inueniantur. Ac vero nemo per speciem necessitatis aliquius se falli sinat, ac necessitatem interpretetur pro quauis ægritudine, etiam si grauis, & periculosa illa sit, cum ad proprium pastorem, aut alium confessarium à nobis approbatum recurri potuisset. Immò nullos huic se negotio perget interponere, quamvis à pastore eius, qui confiteri cupit, vel Vicarijs nostris consensum obtinuerit, nisi tales ij sunt, qui specialem à nobis acceperint potestatem, & ut eam alteri concedere deinde possint.

Sacerdotes autem, qui confessiones audiendi licentiam à nobis obtinuerint, cum definita temporis, loci, certarumque personarum limitatione, videant, ne potestatis confessæ limites ullo modo exceedant.

Confessariorum Catalogus.

Prima cum opportunitate regularium Superiorum catalogum confessariorum, quos ad hoc officium elegerint, quiue in hac Ciuitate, vel diocesi nostra habitant, nobis exhibeant, quo eorum nomina, cognomina, & natale scilicet habeantur.

Sed quia s^epius contingit, vt per suorum obedientiam mutetur, sic circa bis in anno prædictum catalogum novis offerent; primum quidem ad primam septimanam Adutus, secundum deinde primis ferijs. Quodragesimæ: Confessarij autem qui in nostra diocesi veriantur, Pastoriou, aut Vicarijs foraneis, testimonium admissionis suæ, quæ ad huiusmodi munus idonei esse iudicati sunt, quotiesque ab eis exigitur, ne recusent ostendere: in templis vero, in quibus plures sint confessarij, in foribus sacrarij tabula suspensa habeatur, quæ omnes eius templi confessarios à nobis approbatos continant, quæ toties mutanda em, quoties alij diligentur.

Confessarij, qui à censuris & casibus reseruatis absoluendi potestatem à nobis habent, summa cum prudentia eam exerceat, vt sit ædificationi potius, quam destructionilicus: quamobrem si in utilitatem & auxilium pœnitentis, qui in aliquod eiusmodi peccatum inciderit, indicent expedire ad nos eum remittere, admoneatur, vt id faciat & debeat.

Confessarij quamuis approbati, Casibus conscientie studeant.

Omnes confessarios, quamvis à nobis ut idonei semel admissi fuerint, tamen ob graues & diuersos scupulos, qui pœnitentibus in dies occurunt, & plurimas difficultates sibi coherentes habent premonitos, volumus, ut bonos, & classicos autores nonnullos, qui Casus conscientiae ex Professo tractant, manibus continuè terant, quod si non videantur sibi satis iudicij, & doctrinæ comparasse, vt possint quæstiones obiectas resoluere, meminerint adire doctiores, & in talibus melius versatos. Sciant autem nos in hunc finem dedisse speciatim eas partes Pœnitentiale maiori Ecclesiæ nostræ Metropolitanæ, vt cum Theologis, & iuriis Canonici peritis, si quæ dubia, & cōtrouersiz circa res conscientiae in hac nostra diocesi obueniant, & de ijs conferat, & diligenter discutiat, vt postquam res grauiores nobis communicarit, omnem dubitationem eximat ijs, qui ad ipsum consulendi causa accident.

Examinent præterea vires ingenij, & scientiam, quam habent,

habent, nec se temerè ad confessiones audiendas corum ingerant, quos censuris ita quibusdam innolutos esse suspicentur, ut sese inde satis explicare nesciant.

Bonam habeant notitiam censurarum, & Casuum resuitorum, particulatim autem Bullæ in Cœna Domini legi solitæ: similiter Canones Pœnitentiarios, & nostras has admonitiones saepius legant.

Confessariorum bonitas.

Cum dubium non sit, quin is qui peccato mortali infensus, Sacramentum quoduis adm̄istrat, nouo se scelere cursus obstringat; diligenter obseruent, qui Confessarij partes agunt, ne cum peccati mortalis conscientia confessiones audiant, multò verò minus id audiāt, si qua censura teneantur Ecclesiastica ligati.

Qui verò feniidi animi confessarius est, animarumque salutis studio tenetur, ut eas ad virtutes inducat, diuinisque remedijs adiuvet, quibus contra peccata vel pœnitēs vtratur, vel ab ijsdem abstrahatur, qui doceat iridem demoris astutias perspectas habere, qui demum pœnitentem exuere veterem hominem, & nouum induere laboret, ac confingere in eo formam aliquam speciemque perfecti Christiani, non satis id sibi habere deberet, si nulli peccato mortali obnoxius Sacramētum Pœnitentiæ ministret, sed cum facile cognoscat magnopere referre ad præstandum ea, quæ dicta sunt, prius in seipso exprimere, quæ in altero videre desiderat (quandoquidē plus exempla, quam verba commouent animos, neque quis aliorum animis ingenerare virtutem potest, quā ante non in se possideat) idcirco perfectionis suæ totus amore ferueat, necesse est atque ijs in virtutibus acquirendis operam diligentem ponat, quibus ipsa perfectio acquiritur.

Sed quoniam Regulares, cum ad confessiones audiendas emittuntur, solū examinari solent sint ne sufficienes, & doctrinam iustum habeant, neq; nos aliter perspectos mores eorum, & bonitatem vitæ probatam tenere possumus, ideo Superiorum eorum conscientias oneramus, ut ad huiusmodi prouinciam non alios nobis in publicū deducāt, quā qui probitate, atque integritate vitæ tales sint, qui laudabiliter hoc Sacramētū exhibere queant, cuius

quidem rei scripto nobis fidem dabunt, nec aliter eos admittemus.

Confessarij diligentia.

Prompto, ac parato animo ad confessiones audiendas accedant, euitentque diligenter, non solum ad subterfugiendum laborem, ne subimouant intempestive venientes ad se confitendi gratia, sed neque signo, aut verbis viliis præferant, ægrè se grauatoque animo confessiones eorum excipere; quin potius ita se comparent, ut intelligent pœnitentes eos salutis eorum causa multum solati, & gaudij ex ijs laboribus haurire,

Confessarij quando maximè Confessionibus audiendis vacare debeant.

Ex hac eorum alacritate nascetur etiam hoc commode, ne pœnitentes excusationem iustum prætexere possint, si non esse confessos, maximè quibus temporibus ad id tenentur, per speciem quasi comoditatem non habuerint. Præterea autem admoneamus Confessarios, si vel ad exequias, vel quævis alia Ecclesiastica munia illos evocati contingat, nisi causa proflua sit necessaria, ut ne confessiones ijs diebus propterea vel interrumpant, vel intermittant, quibus frequiores solent occurtere, maxime octiduo, aut amplius ante diem natalem D. N. Iesu Christi, in Quadragesima, & præcipue circa medium milii usque ad octauam Pasche, nonnullis etiam diebus cum Iubileum promulgatum est, alijsque solemnioribus festis, quibus, ut plurimum, populus, vel omnis, vel ex maiore parte ad Confessionis Sacramentum confluit.

Cupimus etiam in huc finem, Superiorum Regularium certiores ea de re redditos, ut prædictis temporibus procurent, quantum poterunt numerum maximum Cofessorum, qui doctrina, & timore Domini insignes, atque a nobis approbati in suis Ecclesijs pœnitentes audiant.

Confessiones ægrotorum quomodo excipienda.

Quoties regulares ad ægrotantium confessiones excipiendas accerluntur, si necessitas aliud non suadeat,

¶ pastore prius intelligent, quæ conditio, & status sit ægroti, ut tanto diligentius animaduerant, si quid alleuamenti conscientię illius præceri valeat, præsertim in summo temporis illius articulo, in quo velut in cardine vertitur aut animæ salus, aut perditio æterna: quod si temporis breuitas non patiatur ante confessionem id fieri, saltrem ab audita cōfessione quam citissimè fiat, ut tam ipse Confessarius, quam Pastor in procuranda hominis infirmi salute suo officio non arguantur defuisse.

Cum primum Sacerdos Sacramentum Pœnitentiæ cuiquam ægroti ministrauit, in schedula subscribat; quæ qualis esse debeat, infra dicetur, eaque fateatur se pœnitentiis confessionem excepsisse. Quod ideo fit, ne Medicis curam suam subtrahere infirmis cogantur, iuxta Bullam fel. mem. Pij V. & Decretum primi nostri Concilij Provincialis, & ne per negligentiam confessariorum in dicta fide præstanta sumant occasionem excusandi se ab obseruantia præfata Bullæ, & Decreti.

Confessiones extra templum non audiende.

Popularium in domibus confessiones nemo audiat, nec virorum, nec fœminarum, cuiuscunque vel ordinis, vel conditionis illi fuerint, nisi dum ægrotant; quod cum sit, & mulierum confessiones Sacerdos excipit, ostium aperatum sit, ita ut ab ijs, qui in vicinis locis agunt, conspici possit.

Extra eam necessitatem confessiones mulierum non audiunt, ne etiam si vel leuiter illæ reconciliari tantummodo vellent, præterquam in templo, & sedilibus ad id destinatis, sed neque tum quidem eo loco, nisi post ortum solis, & ante eius occasum audiantur.

In illis ipsis sedilibus quotidiano ritu confessiones audiunt, etiam virorum, si qui solent in templo confiteri: Hanc ob causam omnibus in templis sedes huiusmodi tā multæ construantur, quam multi solent esse Confessarij, sint autem omnes ad eam formam exædificatæ, quemadmodum ordinauimus, generatim eas debere construiri.

Constituantur autem prædictæ sedes loco tam aperto, ut ex omni parte conspici possint, quod si præterea locus

haberi talis possit, ut obstaculum aliquod intercedat, & vt dum quis confiteretur, interea ceteri à spatijs plus æquo propinquis arceantur, id siat, vbi verò malus mos aliud obtinet. Confessarij partes erunt sedem ipsam loco mouere, simul & populum nimis vicinum antequam confidat propellere, quod item faciet, dum in confessionibus versatur, si occasio requiri.

*Confessarij in audiendis confessionibus
scopus.*

Confessarius in huius Sacramenti administratione, sic animi sui propositum ordinet, ac dirigat neccesse est, vt pullum cum intuitus humanus eo pertrahat, sed sola Dei gloria, & animatum salutis desiderium: quo circa quies vel euocabitur ad confessiones audiendas, vel ad eas sese conferret, totus in Deum erectus, cum ipso opere mentis oculos in hunc finem coniiciat, & diligenter attendat eum pergere ut pœnitentes præfissimo Saluatoris nostri Iesu Christi sanguine abluit, ac mundent.

Sed quia in huius Sacramenti tractatione multa inueniuntur pericula, ne scilicet errerent in varijs quæstionibus, & obligationibus decidendis, quæ in illud forum veniunt, vel absolutionis gratiam re ipsa indignis impertiāt, vel aliquid modo animam suam inquinent, dum multorum inquinamenta, foeditatesque audire necessarium est, nunquam ad tantum hoc officium sese Confessarius accingat, quin prius brevi aliqua oratione, prout res feret, lumen & gratiam à Domino petat, vt non solam in nullam reprehensionem vel errorem incidat, verum aliorum fortes sic abstergere valeat, vt se ipse non polluat: simul etiam Deum orabit pro vera emendatione eorum, quorum confessiones auditurus est.

*Oratio ante audiendas confessiones
faciendas.*

Habeant igitur singuli versiculos illius Psal. 50. & orationē antiquis temporibus ab Ecclesia usitatā penes scriptis, cuius quidem alterum exemplar in sacrario cuiuslibet templi (in quo sunt Confessarij) deinde, alterum introrsus in ipsis sedilibus, volunus attigi, ut antequam ad confessio-

confessiones aggrediantur, eam ut similem aliquam, prout
cuiusque pietas feret, apud se legant:

Vers. Cor mundum crea in me Deus.

Resp. Et spiritum rectum innova in visceribus meis.

Vers. Ne proicias me à facie tua.

Resp. Et spiritum sanguinem tuum ne auferas à me.

Vers. Redde mihi latitiam salutaris tui.

Resp. Et spiritu principali confirma me.

Vers. Docebo iniquos vias tuas.

Resp. Et impij ad te conuertentur.

Vers. Libera me de sanguinibus Deus, Deus salutis mea.

Resp. Et exultabit lingua mea iustitiam tuam.

ORATIO.

Domine Deus omnipotens, propitius esto cito mihi peccatori,
ut dignè possim tibi grāias agere, qui me indignum propter
quam magnam misericordiam, ministrum fecisti officij sacerdo-
talis, & me exiguum humilemque consituisti ad orandum, &
intercedendum ad Dominum nostrum Iesum Christum filium
tuum pro peccatoribus, & ad pœnitentiam reuertentibus: Ideo-
que dominatur Deus, qui omnes homines vis salvos fieri, & ad
agnitionem veritatis venire, qui non vis mortem peccatorum,
sed ut conuertantur, & viuanti suscipe orationem quam fundo
pro famulis, & famulabus tuis, qui ad pœnitentiā venerunt, ut
des illis spiritum compunctionis, & resipiscant à diaboli laqueis,
quibus astricli tenentur, ut ad te per dignam satisfactionem re-
uertantur. Per eundem Dominum nostrum Iesum Christum.

Sacerdotes saeculares non nisi toga, & stola decenter a-
micti, pœnitentes audiēt: quod etiam tum fieri volumus,
cum ægrotantium excipiunt confessiones, licet id faciant
apud eos domi.

Nullorū accipiuntur confessiones, nec in Ciuitate, nec
verò in tota Diœcesi nostra, sine nostra, vel Vicariorum
foraneorum expressa licentia, post Dominicam Palmarū
vsque ad diem integrum Paschę peractum, nisi eorum qui
paulo ante confessi sunt, aut saltē à Quinquagesima
præcedenti, excipimus semper ægrotos. Ceterorum verò
confessiones infra octauam Paschę differantur, secundum
constitutionem nostram Pastoribus datam, idque graues
q̄b causas in ea declaratas.

Confessarius non facile mutandus.

Si quem deprehenderint, qui sine ratione legitima Confessarium suum deferat, qui quidem per appositus erat alioqui ad illum in viam salutis dirigidum, conetur eumdem per opportuam reducere, tum reprehensa perniciosa hominum negligentia, qui Confessarium doctum & prudentem sibi diligere negligunt, tum quasi noxia, & virtuosa frequenti mutatione Confessarij detestata, quem admodum enim medici, qui naturam temperamentumque corporis in infirmis perspectum habent, non facile permutari solent, quod morbis necessaria facilius inuenire remedia norint; sic neque videntur penitentes, nisi magno deleitu, à medicis suis discedere debere, cum iij melius animarum vulneribus adhibere opportuna, ac utilia instituta possiat. Si tamen iusta de causa Confessarius aliquem ad se venire permitrat, qui p̄ij, & prudentis alterius in confitendo consilijs ante vrebatur, utile erit id cum illo ipso communicare, vel saltē dare operam, ut penitens ab eo abeundi honestam licentiam nanciscatur,

Confessarij inter se conuenire debent.

Confessarij omnes, pr̄cipue si qui in nostra Diocesi communere funguntur, curare debent, ut inter eos, & Parochos locorum, ubi confessiones audiunt, bene conueniat, siue cum illorum ibi sunt monasteria in propinquio, siue cum ob habitas conciones, siue ob alias quamcumque causam confessiones audiunt. Itaque non absoluant eos, qui vel ob exempla vitæ impiæ, & in eo statu perseverandi pertinaciam, vel quod ad penitentias publicas, siue legata pia, vel similia quædam tenebantur; atque ideo à Pastoribus suis absoluti non fuerint. Proinde s̄epius Regularium Superiorum suos admoneant huius rei necessitas: pr̄cipue autem ad animorum concordiam, quæ ad x-dificationem quoque plurimum valet, diligenter eos exhortentur, pr̄moneantque, si in questionis alicuius explicatione inter eos & Pastores sentiendi quædam accidat diuersitas, ut ea cum prudentia sese gerant, ne ad vulgi aures ea perueniāt, quin statim ad nos potius pro rei controverſæ definitione accurrant.

Memine.

Meminerint ad Sacramentum Pœnitentiæ non permettere venire eos , qui sine conuenienti tum exteriore tum interiore animi præparatione volunt accedere , quin magis verbis caritatem spirantibus pro captu cunctque tales alloquantur, & dicant, vbi se melius pro dignitate tales Sacramenti disponuerint , ita demum ad se reuertantur.

*Mulieres quæ in confessione audienda
non sint.*

Itaque mulierum earum confessiones non audiantur: quæ ceruissatae veniunt, quæ fucis vtruntur, quæ facie stibis depingunt, quæ ex auribus monilia gestant , quæ leuibus , & vaais ornamentis, quæ pannis aureis, alijsue similibus lasciujs promptè, ac compèt accedunt, & vt semel omnia dicam , quæ vestes modestas non habent, nec simplici cultu incedunt, nec in capite velum aliquod gerunt, quod notabiliter non transpareat , quæve saltē experimentum ex lino, lanaue confectum , vel peplum sobrij alicuius coloris non habent: sic enim huius Sacramenti reuerentiam decet , & ita prorsus cognitioni peccatorum, & de eisdem dolori intimo consentaneum est, cum scilicet cogitare debeant, quod ante tribunal, & iudicium Domini Dei sui se sistant , ac quasi peccatrices misericordiam , & veniam suppliciter de eisdem imploraturæ veniant.

Idem necesse est in viris obseruetur , vt videlicet ad confessiones non admittantur, qui vestitu viro indecenti, qui auro intextis pallijs vtruntur , qui lasciujs pileorum ornamentis induuti sunt , qui item cum armis accedunt, aut similibus rebus.

Maius multò studium confessarius ponat in interiore animi præparatione, quando necesse est , prudenter inquirenda; ea enim plane ad hoc Sacramentum requiritur, cerniturque maximè in seria, & solida peccatorum examinatione, quæ ad vnumquemque pertinet, ita vt vniuersi, quantum in se est, cum animi dolorent, qui iure in hoc Sacramento requiritur, habere conentur, cum firma , ac constanti deliberatione animi, tum præteritis satisfaciendi, tum vitam in posteram emendandi. In quibus igitur

cam

eam præparationem desiderari animaduercent, verbis beneuolis persuadere conabuntur, ut denuò conscientiam suam diligentius examinent, ac recte lese parent.

Quomodo malè homines ad confessionem parati accedunt.

Signa autem ex quibus conjectura capi potest, eos sine iusta præparatione ad Sacramentum venire, hæc sunt. Si ad confessionem properant, quasi ab ipsa occupatione rerum suarum auulsi, nullo temporis spatio prius in orationem collaro, vel si eos peccatorum nullam habere cognitionem appareat: deinde si Confessarius iam tum presiat, quod à confessione nihilo minus, ac ante suis in peccatis sint persecueratur, sive quod in se peccatum mortale quodpiam teneant, vel quod occasionem quæ ad mortale pertrahat, amplexi teneant, nec ei valedicere velint, sive quod aliena bona, cum possint, restituere negligant.

Aduerterat tamen Confessarius, si pœnitentes studij non nihil à se præstisset ad eam præparationem, de qua dictum est, consequendam viderit: & obstruet tamen vel ob eorum ruditatem, vel quid aliud, necessario aliquid ijs deesse, ut ipsem quod deest supplet sua industria, & ad cognitionem maiorem eos inducere adlaboret: quod fieri optimè, si peccati turpitudinem & grauitatem ponat illis ob oculos, quippe quod Deo aduerteretur vel maximè, ac damnationis æternæ malum peccanti infinitum adferat, atque hoc pacto pœnitentem infletere, & sic effingere coauerit, ut de vniuersis, & singulis peccatis mortalibus, tam acrem animi dolorem perientiat, ut securè eis absolutionis beneficium possit impertiri.

Præterea, pœnitentes, sed eos præcipue qui rarius confitentur, pro iudicio, & necessitate cuiusque, rationem ac methodum quamdam bene confitendi diligenter edoceant, ac speciarim quantum intersit ut integrâ sit confessio, aliasque circumstantias quæ ad ea requiruntur, & quam vim itidem habeant exponant.

Pueri

Pueri quomodo audiendi.

Consuetudo honesta est, puerulos, etiamsi quintum, aut sextum ætatis annum necdum excesserint, ante Confessarium adducere, ut sic incipiant paulatim instrui, ac manu quasi in cognitionem, atque usum huius Sacramenti transferri: caueant tamen accurate Sacerdotes, ne absolutionē cū Sacramento ijs præbeant, in quibus nec idonea materia, nec ea rationis plenitudo reperitur; ac circa controuersiam iudicare possint, eos huius Sacramenti capaces esse: operam tamen maiorem collocabunt cum ijs, qui septimum, aut octavum annum iam attigerunt, quantum puerilis ætas ferre videbitur, ut huius Sacramenti necessitatem & virtutem, necnon modum quo suscipi-
tur, perspicuè intelligant.

Quando communio pueris tradenda.

Qui verò confessiones audiunt puerorum, aut puellarum, qui iam annos decem vel duodecim numerant, quos proinde aptos ad venerabile Sacramentum altaris propediem fore existimant, solerter videant, ne vel sua, vel parentum negligentia, & socordia, absque gustu tanti�hesauri Spiritualis eos pariantur adolescere: quin potius quanto minori cum productione temporis, quamque diligentissime fieri poterit, doceant eos, quae ad hoc Sacramentum percipiendum necessaria sunt, fructusque numerabiles inde manantes, tum quanta animi demissione, ac reuarentia, quamque magna conscientiæ puritate opus sit.

Cæterum, postquam iterum atque iterum eorum confessiones iam audierint, vel per le venerabile Sacramentum eis porrigit, illiusque rei fidem scripto faciant, ut Pastori suo exhibeat, quo deinceps in Palchate ad communionem Pastore eos, cum ceteris adiungat, vel ad eam sumendam instructos & idoneos esse scriptis declarerit, atque proprium ad Pastorem amendent.

In ipso aditu confessionis, antequam peccata sua quis enumerare perget, Confessorius, maximè si cum zudioribus hominibus agit, quiue rarius confitentur, debet quasdam interrogations præmittere,
quibus-

quibus in decursu confessionis omnia commodius cedent: sunt autem interrogationes huiusmodi. Primum si certum non habet, pœnitentem ex eorum numero esse quos absoluere recte possit, interroget, quo modo id sit si non esse talem inueniat, quam primum ad alium qui absoluendi potestatem habet, remittat; si aliter est, & ratiō nihilo securius pœnitentem satis nec agnoscit, quātū secundo loco: quo in statu res eius sint, cuius ipse conditionis sit, quam professionem, aut artem tractet, quod officij genus, ut plurimum, exerceat: interrogabit deinde, quantum temporis intercessit, postquam confessus est, interim memoriam ei redigens, quam magnum emolumētum parere soleat ceterō iterata confessio: cum petet utrum pœnitentiæ nuper præscriptæ sibi fecerint: quæret etiam, si norit articulos Fidei, præcepta Decalogi, & S. Matris Ecclesiæ: quod si nesciat, tum se geret eo modo cum pœnitente, quem inferius indicabimus.

Quæ sint initio confessionis facienda.

Quæret utrum diligentiam, atque industriam congruentem in conscientia bene examinanda collocari; quæ saepe tanta requiritur, quanta in negotio quouis maximi ponderis inesse solet: res enim verè operosissima est ad Sacramentum Pœnitentiæ ritè accedere: atque hoc loco, si necessitas efflagitat, cum de utili quodam modo examen conscientiæ faciendi instituat, quædam ratio sit ad memoriam renocandi peccata commissa, cum ijs, quæ circumstant omnia; nimur ut ingrediar in seipsum, vitæque tempora speciatim percurrat, initio quidem quantum ad æratum momenta, pueritiam scilicet, iuuentutem, & cetera pertinet: secundo quantum ad status mutationem; quod si vxorem duxerit, quomodo ante, quomodo post matrimonium contractum sese gesserit: tertio quantum facit ad vicissitudines humanæ vitæ, in rebus prosperis videlicet & aduersis, in sanitate & ægritudine, tempora varia, officia diuersa, quæ exercuit, sodalitia, loca, regiones, in quibus egit & versatus est, circa hæc omnia videat, an corde, lingua, vel opere peccauerit aliquando,

Cen*

Confessionis conditiones.

Ad hæc conditiones quæ ad confessionem perfectam requiruntur, quanta poterit breuitate, & facilitate illi proponet: poterit verò ad quatuor, vel quinque præci-
puas reducere illas sexdecim à Doctoribus sæpè comine-
moratas, quæ his versibus continentur:

*Sit simplex, humilis confessio, pura, fidelis.
Atque frequens, nuda, & discreta, libens, verecunda.
Integra, secreta, & lacrymabilis, accelerata,
Fortis, & accusans, & sit parere parata.*

Rogabit an recordetur se, vel in casum aliquem reser-
uatum, excommunicationem incidisse, vel quod aliud
impedimentum habere, à quo probabiliter arbitretur,
quod absolui non possit. si quid huiusmodi in exordio,
vel in ipso decursu confessionis reperiat, ne procedat ul-
terius, sed significet pœnitenti, cùa se absolui non posse,
verum necessarium esse, ut aut nobis, aut Pœnitentiario
maiori Ecclesiæ nostræ Metropolitanæ, aut alteri, cui à
similibus absoluendi potestas collata est, se exhibeat: si
tamen ratio aliqua subsit, cur Confessorius non expedire
iudicer, ut pœnitens id agat, tum ipsem ad Pœniten-
tiarum, vel ad nos, pro absoluendi potestate impetranda
recurrat.

*Confessorius quomodo se geret cum ijs, quos
absoluere non poterit.*

Si pœnitens extra ciuitatem sit, taleque negotium sit,
ut ipse confessorius à Vicario nostro foraneo, aut alio in
ijs locis ad similia decidenda à nobis depurato subdelega-
ri possit, ab eis absoluendi potestatem legitimam impe-
tret, vel pœnitentem ad eos remittat, nisi forte nec ipi à
casibus reseruatis absoluendi potestatem à nobis habe-
rent, aut casus iste sub eorum licentia comprehensus non
sit, hoc tempore si pœnitens Mediolanum venire possit,
hortetur eum ut id faciat; quod si ad id inducere non
possit, petat ab eo veniam, dictum casum nobis, vel
Pœnitentiario maiori literis, aut verbis indicandi, qua-
tenus

tenus absoluendi ab eis potestatem impetrat: quod cum faciet, & rem ipsam literis committet, prudentiam, cautionemque summam adhibeat necesse est, ne vlo modo in aliorum notitia venire possit: at vero si causa tanti momenti esset, ut si litterae vel perdantur, vel intercipientur, minus aliquod pœnitenti incommodum immineat, tum Mediolanum Cofessarius iubeat ipsum proficisci, nisi forte consultum videatur, ut ipso veniat alterius nomine.

Ceterum in negotijs similibus prudentius facient, sive etiam ad Pœnitentiarium maiorem, quam quoquam alio recurant, vel eo pœnitentes suos dirigant. Specialiter enim a nobis ad id constitutus est ille, cum ampla etiam potestate alios subdelegandi in ijs omnibus negotijs, quæ pro casuum reseruatorum solutione difficultia occurunt. Quod si ipse Pœnitentiarius a tali casu possit absoluere, tum modum illi præscripsimus, vel a nobis, vel aliunde unde necesse sit, remedia calibus negotijs opportuna adhibendi.

Si pœnitentem aliquo excommunicationis vinculo reperiat ligatum, serio commonefaciet eum pœna excommunicationis, & quæ grauitas illius, quamque periculorum in ea perseverare, quantaque cum diligentia fugienda sit excommunicationis: quod commode fieri, si effectus illi demonstraret nonnullos excommunicationis.

Interroget viru sciat haereticum aliquem, vel de haeresi suspectam, vel simile quippiam, quod iuxta vel nostra edicta, vel eorum, qui Inquisitores vocantur, leges denunciare teneatur. quod si pœnitentem ad tale quid apriendum cognoverit teneri, curet ab eo satisfieri; ut si negligenter sit factum est, postquam apud eum haereticus, vel suspecti de haeresi alicuius notitia fuit, ut terminus his denunciationibus præfixus transferit, eo articulo iubebit, ut licentiam impetrat, qua absolvi possit: non enim laus tempestiuè perfecit denunciationem ut debebat.

Quando confessio reiteranda.

Circa confessiones antegressæ vita, debent ex interrogaciones fieri quæ sunt ad cognoscendum necessariæ: Num aliquo in peccato erratum sit ab integritate confessoris?

tionis, ob quod nullius ponderis, neque virtutis extitit-
sent ceteræ confessiones, ac proinde reiterandæ essent.
Exempli gratia, si pœnitens alicui confessus sit, qui cum
absoluere nō potuerit, vel qui legitima absolutionis for-
ma vſus non fuerit; vel sacerdoti adeo indocto, ut ea quæ
ad hoc Sacramentum administrandum requiruntur, nec
intellexerit, nec sciuerit; vel etiam si ipsemet aliquod pec-
catum mortale sciens subticuerit, vel confessionem diui-
serit, enumerata parte peccatorum suorum vni Confessa-
rio, alteri altera; vel ad extremum, si nullo penitus cum
dolore de peccatis suis, nulloue deliberato emendandi
proposito, confessus sit; vel, quod etiam contingit inter-
dum, si nullam omnino diligentiam in memoria pecca-
tum testificanda videatur contulisse.

Confessio generalis quando facienda.

Et quoniam cernere est, negligentiam maximam in
confessionibus ritè faciendis sèpenuero committi, præ-
cipue verò eo tempore, quo quidem repudiato à se Dei
timore, vel minimam prorsus, vel nullam animæ suæ cu-
ram gerere putantur, ut potius veniant ad confessionem
ex certa quadam agendi consuetudine, quam quod pec-
catorum suorum agnitione eo perducantur, & vitam e-
mendandi vera delideria suscepint: in vniuersum qui-
dem ob summam commoditatem, quæ ex confessione
generali redundat, tum præsertim cum ex animo qui-
quam statuerit in posterum vitam in melius commutare,
& totum se ad Deum conuertere; Confessarij pro cuius-
que personæ qualitate, opportuno tempore, & loco ad
generalem quandam cōfessionem pœnitentes exhorten-
tur, vel per hanc, proposita omni præterita vita sibi ob-
oculos, maiore cum alacritate redeant ad Dominum, ac
omnes errores, qui potuissent in præcedentibus confes-
sionibus accidere, resarciant.

Interrogationes Confessarij quomodo ne- cessariae.

Hicce interrogatio[n]ib[us] finitis, quæ confessionis ve-
l[et] let

Iuti præambula quædam, & præludia sunt, Confessarius pœnitentem inducat, ut ipsem omnia peccata sua, quæ recordatur, exprimat per se: quod ubi fecerit, si perspiciat adhuc (quod sæpè numero accidere solet) eum alijs interrogationibus indigere, per quas multorum, quæ oblitus sit reducatur in memoriam, vel ea quæ prius confusè dixerat, distinctius consideret; volumus interim promovere Confessarium, ut peccatorum mortalium numerum semper quam poterit exactissime inquirat, & quamvis fieri posset, ut non usque adeo præcisè, & velut ad unguem omnia referantur a pœnitente, nihilominus tamen paullò plus, minusue eum numerum indicet, quem ad veritatem magis accedere arbitretur.

In his interrogationibus ordinem sequatur oportet, initio ducto à præceptis Domini, ad quæ rameti omnia alia, de quibus interrogations habentur, computari possint, nihilominus si cum personis, quæ raro ad confitendum accedunt, agatur, utile erit, eiam per septem peccata capitalia, quinque sensus exteriores, & opera misericordiæ discurrere.

Confessarius non minori vigilântia, ac prudentia polletere debet, in ijs maximè peccatis inuestigandis, quæ homines eius status, conditionisque, cuius est pœnitens, communiter perpetrare solent.

In peccatis vero luxuriæ, summarum animi solertia cum pari circumspectione verborum debebit usurpare. Itaque cum in ijs speciem peccati, & circumstantias, quæ multum prægrauant illud, satis intellexerit, vterius nihil studeat inquirere: in hunc finem circumstantias, quæ peccati speciem ab una in alteram mutant, vel id plenum deprimunt, plene perfecteque à Confessario sciendi debent; quandoquidem haec duæ circumstantiarum species necessario inter confitendum explicanda sunt; id est ad Summas recurrendum erit, in quibus plerumque hoc versu illæ continentur.

Quis, quid, ubi, quibus auxiliis, cur, quomodo, quando.

Præ cæteris tamen prouidus, cautusque sit oportet, ut medium congruentem sciat, quo pueri, ac pueræ intendo-

gen-

gentur, ne forte, quæ prius ignorabant, eos doceat: verbis autem adeo commodis interrogaciones suas circumloqui nitatur, ut pœnitentis animus non offendatur: quia etiam dum aurem admouet alicuius confessioni audiendæ, caueat omni modo peccati grauitatem à se audit, gestu corporis, vel nutu capitis circumstantibus prodere, vel etiam pœnitentem ira terrefacere, vt propterea aliud graue peccatum subriceat, imò animum ei addat, ut omnia, quantumuis enormia, & turpia peccata aperiæ non vereatur.

Mutatio votorum: quomodo facienda.

Confessarius, qui priuilegium aliquod, facultatem, vel auctoritatem habet Pœnitentium vota commutandi, ex non nisi in alia opera pia maiora, Deoque acceptabiliora, vel saltem æqualia commutabit, in quo negotio diligenter attenderet expensas, labores, aliasque difficultates, quas sustinere necesse fuisset, si vota à se nuncupata primo modo debuisset persoluere.

Quamvis verò per Iubilæum aut literas Apostolicas Priuilegium aliquod ei concessum sit ab omnibus peccatis, quantumuis enormibus, ac pœnis, censurisque Ecclesiasticis absoluendi, præmonemus tamen, quod dispensare non possit, cum eis qui irregularitatem incurrent, nisi in ipsis literis expressa huius fiat mentio.

Vt Confessarij plenius instruantur, nec absolutionis beneficium ijs impartiantur, quia eo reuera indigni sunt (id quod vel incuria, vel negligētia, vel alia de causa sæpe accidit, ac proinde multi temp̄ in eisdem peccatis hærent cum animarum suarum lamentabili ruina) idcirco ex plurimorum Theologorum, tum Sæcularium, tum Regularium diuersorum ordinum consensu, quædam, quæ in frequentiori consuetudine agendi à Confessarijs obseruanda erant, inferius notaimus: quandocumque verò ab ijs pœnitentes vel absoluunt, vel relinquunt legatos, volumus, ut secundum id, quod infra dicitur, sua cœlia dirigant.



Itaque

Itaque quandoquidem quilibet, qui iam ad rationis ysum peruenit, sub peccati mortalis periculo, articulos omnes fidei scire, & intelligere (saltem generaliter) tene-
tur, necnon Decalogum, & S. Matris Ecclesiæ præcepta
ad peccatum mortale obligantia, quæ communiter in
scholis cum Catechismo doceri solent: si confessarius de-
præhendat pœnitentem ignorare ea, quæ diximus, nec al-
ea quam citissimè poterit perdiscenda idoneum, non de-
bet eum absoluere: si vero ad ea mandandum memoriz
paratum sese exhibeat, si tamen alias à Confessario (sive
ipsem est, sive alius) vel speciatim à Pastore suo hac
de re admonitus fuerit, (debet autem hæc recordari,
ut commodius interroget) neque tamen tantum studij
adiunxerit, quantum debuit pro capacitate sue per-
sonæ, eo usque absolutionem differat, donec aliquo mo-
do satisfaciat: verum si hac de re admonitus à nullo fu-
rit, postquam cum in supradictis ita generaliter instru-
xerit, ut cū tempore reddatur absolutionis capax, potest
cum absoluere.

Patres familias qui non absoluendi.

Si patres, aut matres familias fuerint, qui curæ suæ sub-
ditos, sive filios, & filias, sive seruos & ancillas, (quæ par-
ticulatim interrogare meminerint) cum rudimenta fidei
non teneant, addiscere non compellunt, vel non aduigil-
lant, ut Decalogi, & Ecclesiæ Romanæ præceptis obediant,
vel quod peius est, ab eorum obseruatione eisdem
prohibent, ut faciunt, qui seruos, & ancillas usque adeo
occupatos diebus profestis detinent, ut propria necessita-
te urgente diebus festis operari quodammodo cogant,
vel temporis tantum non tribuant, ut secundum Ecclesiæ
præceptum, Sacro officio Missæ interesse queant, aut qui
nescientes quinam eorum, qui in familia sua degunt, le-
gitimum habeant impedimentum, promiscue tempore
Quadragesimali, aut alijs iejuniorum diebus, cœnam, vel
tempore ante meridiano escam ante horam debitam in
ædibus præbent, vel dari patiuntur: aut si, quando hæc
præcepta transgrediuntur, eos non reprehendunt, nec
corrigunt; vel si servi corrigi nolint, & cæteris scandalo
sunt, e domo sua quamprimum eos ablegendant.

De

De administratione Familiæ.

In omnibus hic peccatis , nisi re ipsa præstet officium suum, negligentiamque in familiæ administratione commissam , & quantam ad ea, quæ dicta sunt attinet , in posterum sese emendare promittant , nullo modo eos absoluat. quod si in se recipiant ea se facturos , nec horum admoniti vimquam à Confessario, vel Pastore præscripto modo fuerint, poterit eos absoluere : quod si saepius fuerint reprehensi, nec sese correxerint, tamen absolutio differatur, donec promissa appareant, veraque emendationis argumenta aliquo temporis spatio ostenderint.

De luxu vestium.

Confessarius eumdem cum eis modum seruabit , qui contra Conciliorum nostrorum provincialium , præcipue vero Tertiij Constitutionis, ac alios Canones nostros diebus festis operantur, vel à venditionibus, & similibus, quæ in illis prohibentur, non abstinent. Idem etiam seruetur cum ijs, qui in immoderato corporis ornatu & fastu mortaliter peccant.

Ac vero cum hac tempestate luxus vestium ad summum, quo concedere potuit verticem videatur evasisse, idque magna ex parte culpa & negligentia Confessariorum accidat, qui vel ex inconsiderantia , vel forte dum leuiter pœnitentes peccare existimant , nullo cum scrupulo eos absoluunt , capita quædam in medium adferimus, quibus propter ornatum , & luxum in vestitu, fastumque animi ingentem , plerumque mortaliter hodie peccatur, ut cum absolutio danda erit , secundum eas regulas, actiones officij sui metiantur.

Qui peccant in vestitu mortaliter.

Si quis igitur vestitu splendidiore induitur , vel eo sese ornat ob finem peccati mortalis , utique mortaliter peccat: ad hæc qui vestimenti sumptuosí gratia , vel ipse delinquit, vel alij eius nomine præceptum Domini, vel Ecclesiæ transgrediuntur, ita ut ne vestis non conficiatur, festis diebus sartori operandum sit , vel ipse certè faciat

eum operari, aut Sacrum Missæ officium omittere, vel vel
alij omittant præbetur ab eo occasio; vel si causam pre-
stet coniugi, ijsue, ad quos spectat eius sustentatio, ut plus
quā privatæ opes ferunt, in vestitū impendant, vel si pre-
uidet, ut meritū debet præuidere, aut saltem probabilitatē
dubitat, quod odia vestium causa gignantur, dissensiones
ue in ædibus siant, vel quod indumenti causa coniugor
aut aliorum quispiam blasphemias euomat, aut lucra,
contractusque illicitos exerceant: His addē eos, qui or-
natus gratia non sine peccato mortali supersedent cele-
mosynis necessarijs, aut legata pia non exequuntur, aut si-
milia, quibus obstricti sunt, completere negligunt, vel qui
pro veste mercedem operarijs denegant soluere: vel dis-
ferunt, aut ære alieno sic se obrnuunt, ut cum tempore
soluendo non sit futuri: In hoc etiam ordine ponēdi sunt,
qui ut se splendide vestiant, detrimentum proximo nou-
bile inferunt; vel ita se exhauriunt, ut filias cum ad ætac
nubilem peruenient, in matrimonio collacare non pol-
sint, quā ex re magna damna solent existere: ad exer-
cium cum prudenter colligi possit, quod non mediocria
peccata similia ijs, quæ dicta sunt, inde prodibunt, aut du-
bitatio verisimilis habeatur, quod accidere possent, qua-
lia fere solent sumptuosum & insolentem earum vnum
comirari. In omnibus quæ diximus, iudicandum esse pec-
catum mortale indulgere nimio vestitui.

Ceterum, cum fieri vix possit, ut qui supra quā sua
copię fuerint, insumit, non animum aduerterat ad peccata
consecutura; vel ut minimum possit & debeat aduertere,
potest in uniuscum recte iudicari, eos omnes in pecca-
to mortali vitam agere, nisi ex diligentí pœnitentis ex-
aminatione certa ratione contrarium existimetur.

*Qomodo fiat mortale in vestitu quod perse-
tale non est.*

Neque solum mortaliter peccatur, cùm factæ expense
in vestes, ordinem, & facultates domesticas excedunt,
verum etiam in modo peccatum committitur sese exor-
nandi, quid enim si ornatus ad lasciviam pertra-
hat?

hat? quod si per se, vel certe ex communi hominum iudicio non sollicitet ad peccatum, potest etiam fieri, ut per se quidem eo non adducat, tamen occasio nem ille suspicetur ex eius generis ornamento, quod est sui ordinis hominibus communiter non gestatur, datum iri certae personae signum, ut illum in honesto amore prosequatur, vel ne sic accidat, probabiliter timet: denique cum in hoc peccato haeret, ita vitam instituit, ut nullam vel parvam salutis proximi habeat curam; adeo quidem, ut si quem ex sumptuosis, quibus incedit vestibus, per occasionem misere salutem perdere conspiciat, tamen eum non studeret deponere. Fit deinde non raro, ut cultus ipse prima fronte ad varias species amoris in honesti prodendas concinnè institutus sit, easque amorum affectiones varijs coloribus, dum se comit, & promit, vel alio quoque modo non perobscure declareret.

Iam verò non solum absoluere eos non possunt, qui peccato mortali valedicere constanter non decernunt, sed nec illos etiam, qui quamuis afferant peccatum se vel le deserere, tamen una dicunt, videri sibi non se commercium illius esse relicturos, nisi ea velint remedia apponere, sine quibus Confessarius iudicat ad vomitum reddituros.

Quando absolutio differenda.

Est præterea consultum, solutionem differre, donec evidens appareat emendatio in ijs, qui tametsi dicant, ac pollicentur, quod se eximunt peccato, tamen Confessario probabilem faciunt metum, ne contrarium continget. Ex hoc esse solent plerique adolescentes, qui in otio vitam agunt, qui luxui dediti, crapulam, & amores in honestos sequuntur, qui libidinibus pascuntur, verba obscena proferunt, murmurant, in odiis, ac detracti onibus versantur quotidie, & confessionem differunt usque ultimos Quadragesimæ dies: Idem faciendum est cum ijs scilicet, ut differatur absolutio, qui cum multos annos in peccatis suis perdurant, nulla interim adhibita opera in emendationem vitæ in eadem peccata iterum atque item labuntur.

Deinde, nec eos absoluat, qui cum peccatis mortalibus simul etiam eorum occasiones vitare planè non propo-nunt. Porro cùm è re Confessarij vel maxime sit, ut quæ sint eæ occasiones perspicuè sciat, paullò de illis loque-mur distinctius hoc loco.

Occasio peccati mortalis qua.

Sub occasionem peccati mortalis omne illud cadit, quod peccandi mortaliter causam administrat, eo quod huiusmodi est, quod vel per se in peccatum inducat, vel eius occasione confitens usque adeo ad peccandum alii-citur, ut certè Confessarius metuere possit, quod ex per-uerso, quem diu induit, habitu in posterum non magis abstinebit, quam prius à peccato, si in eisdem occasio-nibus verisetur.

Prioris ordinis occasions, quæ scilicet suapte natura trahunt in consensum peccati mortalis, sunt isti modi: aleis ludere, cum mortaliter certo, vel probabili periculo animarum; domum tenere in hunc finem alijs pararam; aliquam, cum qua sit peccatum, vel apud se, vel apud alium, suo rogatu souere, vel quoquaque modo in eisdem ædibus habitare, persistere in assidua collocutione, aspe-ctu, quotidiano congresu, & similibus turpium amorum irritamentis.

Itaque si pœnitentem ijs, aut similibus impedimentis irretitum esse perspicerit, ipsaque occasio talis sit, quæ tum etiam re ipsa existat, veluti quod concubinam alit, vel quid huiusmodi, Confessarius eum absoluere non debet, nisi prius illam ipsam occasionem prorsus abs cin-dat.

In alijs verò, ut in Venereis aspectibus conuersari periculosè cum fœminis, perdurare in tactibus im-pudicis, si eis nuncium remittere non pollicetur, vel si spondeat, alias tamen, cum de eodem fidem fecerit, vi-tam non emendauerit, absolutionem differat, usque co-dum emendationis quædam argumenta videbit.

At verò cum usu venire possit, ut ex omnibus, quæ so-lers ac circumspectus Confessarius excogitauerit, nullum remedium tamen potuerit habere, cur pœnitens absque pericu-

periculo & scandalo magno debeat occasionem præscindere, utatur Confessarius his vijs.

Remedia contra peccati occasiones.

Primo absolutionis beneficium cō vsque extrahat, donec emendationis indicia videat, maximē, si absolutione citra aliquod illius periculum, vel infamiam procrastinari possit, eaque doloris signa perspiciat, eam animi dispositionem, promptitudinemque suscipiendo omnia, quæ pro eius emendatione necessaria Confessarius iudicabit, quo tempore remedia huiusmodi pœnitenti proponet, quæ magis opportuna, magisque necessaria apparetur: verbi gratia, præscribit ei, ne solus vñquam cum sola versetur, vt orationes augeat corporis macerationem subeat aliquam, quodque præcipuum est, vt frequenter confiteatur, aliaque similia, quæ si pœnitens recipiat in se, poterit absolvi.

Contra verò si ab illa diligentia, quam vel ille, vel aliis Confessarius iamdiu adhibuit, non se emendauerit, non absoluatur, donec impedimentum sustulerit, vel nisi quid aliud à nobis acceperit, quod conuenire videatur, ad quos in tali negotio recurret, vt factum nobiscum expendat, ita tamen, vt nulla fiat mentio peccantis.

Occasiones particulares quorundam peccatorum.

Alterius generis occasiones, quæ videlicet ex conditione peccantium sumuntur, ea facta sunt, quæ etiamsi per se licent, tamen probabiliter timeruntur, ne is qui confitetur, in eadem ipsa, quæ olim admisit, peccata relapsus sit; si in eisdem operibus, in quibus antea versatus est, perseuereret: tales ob mundi corruptelam plurimi solent in castris esse, mercaturam sequi, Magistratus obire, aduocati, & procuratoris officia exercere, aliaque id genus; quæ dum quis tractat, fit sāpē, vt vocibus blasphemis, furta, iniustitia, calumnijs, odijs, fraudibus, periurijs, & alijs eiusdem farinæ sceleribus, quibus Deus offenditur,

tantam sibi eorum consuetudinem asciuerit, ut coniectari liceat, si in eisdem officijs maneat, cum se rursus exdem illæ oblataræ sint occasiones, quod fortiorum animum ad resistendum peccatis non opponet, quam hactenus fecerit: quodque inde sequitur, in idem lutum ex integro prolabetur: Omnes qui sunt huiusmodi, secundum B. Augustinum, cap. Consideret de pœnit. dist. 5. sumptum ex lib. de vera & falſa pœn. cap. 14. & 15. qui est inter opera Aug. vel negotiorum iſis periculorum deponant, vel saltem absque licentia & obedientia pīj, ac probati Sacerdotis non exerceant: qui quidem hominem eo modo constitutum absoluere non debet, si existimat ad eadem peccata redditurum, quamdiu in antiqua occasione perseverat: sed ex quum est, ut vitæ emendatio, & quædam illius approbatio per temporis interuallum expectetur. Atqui hic vigilandum est eo diligentius, quo manifestum est hac in parte Confessarios incuria sua maximam præbere causam, cur in omnibus fere opificijs, & exercitationibus publicis peccata grauissima inueniantur, & abusus intolerabiles, sine quibus multi hodie existimant, necres etiam per se æquissimas recte exerceri posse.

Exempli gratia, in Magistratu a deundo, & alijs officijs assumendis, multa iuramenta reperiuntur, quæ seruat debeat: quæ tamen postea non seruantur.

Inter Consiliarios, Aduocatos, Procuratores, clientum pernicieji ac damnis incumbitur, contra id, quod propria conscientia dictar faciendum.

Idem fit in bello, vbi duellis locus datur, vbi odij, homicidijs, plena sunt omnia. Inter ludendum maledicta vigent, rapinæ, quæstus meretricij. Apud mercatores hæc regnant, usuræ, mercium fraudes, cum vel eas miscet, vel malas pro bonis in manum porrigunt: multoque pluris quam pretium instum est, eas distractant; nec desunt periuria, mendacia, vestigialium fraudulentia auerſio, aliaque eius ordinis permulta.

Plerique opifices festis æquè, ac profanis diebus ita occupantur, ut nunquam neque cultui diuino vacent, neque conciones frequentent, nec se solum, sed ad similem modum totam distentam familiam habeant.

Quam

Quām ob rem magno numero inueniet Confessarius inter eos, qui talia exercent, omām vitam ferē in peccatis mortalibus duxisse, qui quidem absolutionis capaces existimari non debent, nisi diligentia prius accedat, qua simul & ab inuolucris huiusmodi liberentur, & fortiores contra peccatum reddantur.

Plurimi numquam ut oportet sunt confessi.

Quōd si Confessarius posuerit maiorem industriam in ijs examinandis, non dubium est, quin plures deprehēdet, qui numquam, ut oportuit Sacramento Pœnitentiæ peccata sua expiatint. quod cum fuerit ab eo animaduersum, ostendat eis præterquam, quod de emendatione maiorem probationem facere debebunt, vel opificij genus in quo sunt, deserere, etiam totius vitæ confessioñem instituere, ac studio ychementi in salutem suam in-cumbere tenebuntur.

Officiale quæ relinquenda pœnitenti.

Multrò magis Confessarius circa ea officiorum, actio-pumque diſcretimina extirpanda adlaborare debet, quæ nullam vel necessitatē Reip. vel utilitatem secum ferūt; quæ quamvis ex priori ordine rerum non sit (illæ enim per se ad peccatum mortale inducunt, ac propterea necessario à quouis homine quocumque in statu relinquendi debent) nihilominus rāmen ad male agēdum inflectunt, ac facilissimo negotio sapissime ad diuersa peccata trahunt, ut choreis interesse, agere cum blasphemis, versari cum scurris, malorum se sodalitatibus hominum adiungere, tabernas frequentare, otio indulgere, similesque actiones, in quibus ut plurimū peccare mortaliter homines solēt, qui quidē ante non debent absolvi, nisi animo abalienato penitus illa ipsa se deserturos esse polliceantur.

Et quidem si probabiliter sibi Confessarius persuadeat, posse se fidem primæ vel secundæ à pœnitēte sibi promissionis factæ dare, quōd scilicet occasionem auferat, poterit eum promissionis intuitu absoluere, sin autē fidem semel atque iterum fregerit, ac tertio iam idem pollicetur, absolutionem differat, usque dum reipsa videat pœnitentem se omni peccato liberasse, in quo prius vixerat.

Con-

Contractus qui deferendi.

Eos præterea, qui contractis nostris Concilijs Provincialibus nominatim prohibitos, vel per se alias illicitos exercent, non absoluat, nisi prius rescindantur, satisfactioque conueniens pro eis præstetur. Si contractus dubij sint, antequam absoluat, ad Pœnitentiarium maiorem rem tamet reiijciat, qui quidem illius explicationem ampliorem penes nos inueniet: sed hoc tempore si pœnitens sufficientem dederit cautionem, quod futura definitioni sententiæque acquiesceret, poterit cum absoluere, & ad communionem admittere.

Iubilæi tempore qui non absoluendi.

Sed ne quidē Iubilæi alicuius tempore, qui ea, quæ edicto publico, monitorioue Papali, vel Archiepiscopali notificare tenebantur, subticuerint, nullo modo absoluantur, nisi denunciationem ritè prius fecerint, ac omnibus ad quæ ob damnum inde secutum obligati sunt, satisfecerint. Ceterum, ante restitutionem, debitamque satisfactionem eos non absoluant, qui aliquatenus ad tale quid adstricti sunt, modo id facere possint: eos tamen excipimus, qui ex graui, periculosaque infirmitate decumbunt, quibus tamen præcipiat Confessarius, oneretque ut, quam primum poterint, satisfaciant.

Postquam Confessarius omnibus his præscriptis remedijs diligenter usus fuerit, si impedimentum aliquod non videat, ob quod negare vel différre debeat absolutionem: dicat pœnitenti, vt de peccatis omnibus, quæ confessus est, reliquisque in vniuersum, quæ verbo, cogitatione, opere, vel omissione commisit, quorum non recordatur, culpam humiliter suam dicat, confessionemque claudat.

Quod ubi factum est, Confessarius ei, maximè si talis est, qui rarius confiteri solet, peccatorum grauitatem ostendat, quibus eum nouerit magis in uolutum, ijsque remedijs contra eadem armet & muniat, quæ conuenientissima esse iudicabit. Proderit autem hac in parte Methodum Confessorum bene tenere, vel Directorium, atque

arque eiusmodi argumenti libros sibi facere familiares.

Deinde si fuerit necessarium, iniunget ei, ut satisfaciat & restituat, rem, famam, vel honorem, quæ proximo abstulerit; tum ubi præscriperit salutarem pœnitentiam, quemadmodum infra dicetur, eum absoluat.

Absolutio excommunicationis quomodo concedenda.

Si fortè pœnitens aliquam censuram incurrit, à qua eum absoluere possit, ante quam conferat absolutionem à peccatis, eam debet, quæ a centuris datur, præmittere, multum autem iuuat ad cautelam, si semper eadem præmitratur, quatenus scilicet potestatem habet, ac pœnitentem indigere arbitratur. Similiter si pœnitens casu aliquo reseruato teneatur, nisi licentiam absoluendi habeat, eum non absoluat; alias enim in excommunicationem incideret à Synodo nostra Diœcesana latam. Nec ipsi Regulares, quantumvis priuilegio, quod *Mare magnum* vocant, vel alijs quibusvis indultis gaudeant, à prædictis casibus absque peculiari nostra licentia absoluere possunt: quemadmodum Gregorij XIII. Pont. Max. Sanctitas ex Cardinalium conilio, ad quos Concilij Tridentini interpretatio pertinet, declarauit.

Multo minus sese ingerent ad absoluendum à casibus in Bulla in Cœna Domini contentis, vel alijs Sedi Apostolice reseruatis.

Atqui ut omnes; qui in nostra versantur Diœcesi, unum, eandemque absoluendi formam obseruant, hoc quo sequitur modo absolutionem proferent. Sed interim admonemus omnes serio, ne verba ea omittant, in quibus tota absolutionis vis consistit, videlicet: *Ego te absolvo.* Hic itaque omnibus sit præfixus absoluendi modus.

Absolutionis formula.

Misericordia tuae omnipotens Deus, & dimissis omnibus peccatis tuis, perdona te ad vitam aeternam, Amen.

Indul-

Indulgentiam, absolutionem, & remissionem omnium peccatorum tuorum tribuat tibi omnipotens & misericors Dominus. Amen.

*Dominus noster Iesus Christus te absoluat, & ego auctoratu*ipsius absoluo te ab omni vinculo excommunicationis suspensionis, & interdicti, si quod incurristi, quantum possum, & indiguo. Deinde.**

Ego te absoluo ab omnibus peccatis tuis, in nomine Patris, & Filii, & Spiritus sancti, Amen. Passio Domini nostri Iesu Christi, merita B. Mariae semper Virgintatis, & omnium Sanctorum, & quicquid boni feceris, & mali sustinueris, sint tibi in remissione peccatorum, augmentum gratiae, & primum vita eterna, Amen.

In satisfactionibus, vel pœnitentijs Confessarius circumspctus esse debet, ne ad eadem leues illæ sint, & faciles, ut potestas clavium in contemptum veniat, ipseque particeps fiat, & consors aliorum peccatorum, neque nimis graues, aut longæ iubeantur, ut vel recusent eas exequi, vel etiam si acceptas habent, postea tamen plenè non perficiant.

Canones pœnitentiales ad vnguem Confessarius teneat.

Idecirco Confessarius Canones pœnitentiales ad unguem sciat oportet: nam quamvis illi possint & debeant, secundum prudentis, & morati Confessarij arbitrium mitigari, prout pœnitentis contritio, personarum qualitas, diuersaque conditio, aliaque circumstantie ostender, utilissimum tamen est semper ipsos Canones præ oculis habere, adque eos tamquam ad amissim respicere, quantum conueniens erit: & quidem Confessarius, ctsi pro modo antiquo Canonum pœnitentiam non habet sequi, tamen pœnitenti nonnumquam articulos in ijs explicatos tractabit, ut sic ad maiorem dolorem adducatur, pœnitentiamq; leuiuscum, quam ipsi dedit, alacrius exequatur: & interim haec quoque perspicietur utilitas, quæ proficitur ex benignitate, quam hodiè Sancta mater Ecclesia cum pœnitentibus obseruat, quando disciplinae Ecclesiastice rigorem eis tantopere moderatur.

Pœnitentiae quomodo peccatis respondebunt.

Curet

Curet etiam, ut satisfactiones peccatis commissis respondeant. Itaque aduersum peccata carnis, vigilias, peregrinationes, cilicia, aliaque similia imponet, quæ mactare, ac castigare possunt carnem. Contra avaritiae peccata, præter restitutions, quæ fieri debent, opponet opera misericordiarum pro facultate & modo cuiusque. Peccata superbiae, quæ in spiritu hærent, oratio comprimit, quæ sub potenti manu Dei homini humiliato fortitudinem, animique constantiam aequiret. Præcipiet contra negligientiam in ijs ediscendis, quæ ad verum pertinent Christianum, conciones sacras, tum etiam, ut ad certum tempus Scholas, & Catechistas Christianæ religionis frequenter. Remissis hominibus, qui in rebus conscientiarum suarum salutiferis frigide se gerunt, præcipiet, ut adeant tempora, diuinisque officijs assistant, multaque usurpent orationes.

Blasphemis quales iniungenda pænitentia.

At vero blasphemis, & sacrilega lingua in Deum, & Sanctos petulanter maledicis, pœnitentias graues & difficiles iniungit, quæque culpa gruitati respondeant, quæ in re Canonibus Sacris, Pontificijs Decretis, Concilio Lateranensi, ac nostrorum Conciliorum statutis sese conformabunt. Verum hoc in parte integro iudicio & personarum delectu ventur: non enim omnibus omnia convenient: quare non mandent pauperibus, ut liberaliter tribuant elemosynas, neque ijs, qui diuinis sudoribus victum sibi, suisque queritant, ieunia prolixa, ac simile iudicium in reliquis pœnitentijs usurpabunt & sequentur. Videndum est etiam, ut qui publicis vel scandalis, vel clericibus delinquunt, non absoluantur, priusquam satisfactionem item publicam, ac pœnitentiam peccato congruentem ijs iniunxerint, ut simul cum emendatione virtus malefacta publica, benefactis resarciant; qua in causa Concilij Tridentini præscriptum obseruabant, ac institutionem nostram super hac re in Primo, ac Tertio provinciali nostro latam, qui etiam pœnitentias publicas in alias secretas non commutabunt, nisi expressam à nobis huius rei habeant potestatem.

Sacer-

Sacerdos ab omni auaritiae suspicione ab-
esse debet.

Vt liberior sit Confessarius inexecundo officio, quod illi cum pœnitente est, maioreque apud eundem in au-
toritate habeatur, in decernendis ijs omnibus, quæ pœnitentis salutem referuntur, non solum fugier studio-
se auaritiam, sed etiam omnia eius, vel minimam su-
spicionem. Nominatim autem pecunias, vel aliquid hu-
iusmodi pro confessionum audientia non petet; etiam si occasio se præbeat: ac ne signum quidem, vel minimum
eius ostendat: quin potius voce, & re ipsa declareran-
tum se prorsus ab horrendem à talibus habere. Cum
pœnitenti iubebit, ut Missæ sacrificium faciat vespriam pe-
agi, nec rectè, nec obliquè significet, quasi vel ita
celebrate, vel in sua Ecclesia, aut Monasterio curare ce-
lebrari.

Idem faciat in satisfactionibus ijs, cum pœnitens, vel
debita incerta reddere pauperibus, vel pro votorum com-
mutatione aliquid soluere debebit.

Sed neque pecunias, aliaeque, quæ à pœnitente restitu-
enda sunt, proprijs dominis in se prouinciam reddendi
assumat, nisi necessitas id requirat, vt videlicet hoc modo
pœnitens non prodatur: quod cum erit ab eo factum, cu-
ret, vt is cui rem restituit, chirographum tuum in testi-
monium ei tribuat, vt illud pœnitenti cōsiguet, ac plan-
eo modo procedat, vt omnem speciem, ac signum au-
aritiae subterfugiat.

Confessionis secretum quomodo ser- uandum.

Præ omnibus autem Confessarius caueat, ne verbis,
vel signis, vel quoconque alio modo; peccatorem, vel
peccatum ipsum, vel aliquam circumstantiam personæ,
cum qua peccatum est, prodat; denique verbum nullum
ex ore eius excidat, ex quo aliquo modo in peccati qua-
rumvis leuissimi, quod in confessione dictum sit; noti-
tiam veniri possit.

Cum-

Cumque pro rei alicuius controvèrsia, quæ in confes-
sionem incidit, clariore definitione consilium ab ali-
quo petendam erit, summa ad id prudentia adhibetur,
necessæ est: tractetur igitur, vel cum ijs hominibus, ac
modo tali, vt is, qui peccatum commisit, nullo modo
deprehendi possit. Ideoque consultum videtur, vt
nullam planè apud alios mentionem faciat vlo tempore
peccatorum, quæ in confessione audierit: quod si po-
stea necessitate coactus, cum ipsomet pœnitente de
peccatis loqui contingat; id quod nisi præfata venia
faciat, & ipsum colloquium obtinebit vim confessio-
nis, quantum ad secreti silestium attinet. Si pœnitens à
Confessario postulet testimonium sibi dari, quo se cius
confessionem audiuisse fateatur, quod illud dicat se
veille Pastori suo ostendere, quod semper in confes-
sione Paschali facere tenetur: eam secundam for-
mam, quæ infra ponitur, scribat. Atqui eo quod
attestationum harum multa exemplaria impressa singu-
lis dabuntur Confessarijs, earet Confessarius, vt tuas
præ manibus habeat, nullisque eas tradat, nisi quorum
confessiones audierit. Attestationis formula hæc erit:
anno, die, talis Mensis, Sacramentum pœnitentie administra-
ti N. habitanti in parochia N.

Scribat in primo albo diem quo pœnitens confessus
fuerit, secundo mensem, tertio nomen & cognomen,
quarto parochiam in qua pœnitens habitat. In calce con-
fessarius nomen & cognomen suum scribat cum titulo
beneficij, vel officij Ecclesiastici, à quo communiter
denominari solet, veluti, Rector, Vicerector, Canonicus,
vel Sacellanus Ecclesie N. vel si Regularis sit habitans
in Monasterio N. Atqui quicquid in attestationum albia
scribendum est, totum id ipsiusmet Confessarij manu
scribatur, vel saltem dies, mensis, ac ipsius Confessarij
subscriptio. Vtile præterea erit si confessarij omnes in
tabulis nomen & cognomen scribant eorum, quibus di-
etas attestationes subscriptas tradiderunt, seruentque
eas tabulas penes se, vel post octauam Paschæ nobis,
aut si in Diœcesi sint, Vicarijs nostris forensibus exhibe-
ant, idque ut exactius animaduertere possumus, nam

○

franc

fraus aliqua in dictis attestationibus à non confesso quodam facta sit.

Pro maiore confessariorum instructione, atque in iuandis eorum animabus, quibus Pœnitentia Sacramentum administrarunt, ut certa quadam forma videntur, qua pœnitentes in gratia accepta perseverare, ac progressum facere doceant, infra scriptas adiunximus admonitiones.

*Confessarij erga pœnitentes quales esse
debeant.*

Confessarij omnes, quemadmodum Patres spirituales decet, circa pœnitentes suos summam prudentiam exhibeant, necesse est, ut instruantur, diriganturque pat latim ad virtutes Christiano homine dignas. Peculiariter autem industriam & studium suum erga eos magis explicare debebunt, qui in patres sibi confessarios suos cooptant, ut ad eos in dubijs & controversiis suæ conscientiæ rebus quotidie, tum pro consilio, tum pro expiandis peccatis possint accurrere. Qui quidem ad eum modum filios suos spirituales in bono proposito confirmare vitantur, ut constantissime sibi proponant potius quam diuinam Majestatem offendant mortaliter, nos folium bona aehonores, sed etiam vitam profundere, viuumque præferant, & salutare desiderium secundum sanctissimam Dei voluntatem totam vitam suam ex pendere.

*Confessarij finem, ob quem sunt creati, suis pa-
nitentibus proponant.*

Quare finem, ob quem creatus est homo, eis ob octulos crebro ponant; qui quidem est seruire & obedire in hac vita diuinæ Majestati, & in altera in omnem eternitatem eadem frui, aliaque similia; ac proinde debet hominem exfuscarare animum, & vires sibi sumere, salutique suæ cooperari, atque eatenus rebus omnibus vel abstinere, quatenus ad hunc finem consequendum admini-

adminiculo, vel impedimento esse possint; ad extre-
mum, huc se totos actionesque suas, atque vniuersa quæ
in hac vita possident destinare, ita ut in vietu, vestitu,
consuetudine vitæ, negotijs, omnibusque alijs exercita-
tionibus ita sese gerant, ut omnia quasi quædā adiumenta
eis esse possint ad ultimum finem, cui conditi sunt, conse-
quendum. Cæterum, ipsi pœnitentes paratos sese exhi-
beant, non solum in earum rerum vnu prudentiæ, ac sa-
lutari consilio confessarij libenter acquiescere, verum
etiam si ille omnia plane vel aliqua ex ijs quæ habent
deserenda esse iudicet, causa salutis eorum semper ei ob-
ediant. Confessarius tamen iuxta vniuersusque condi-
tionem ac statum ad finem supradictum eos diri-
get.

Proponat eis etiam modum orandi, ut feret singu-
lorum capacitas, & pro religiosa consuetudine omnes
nitantur bis salrem in die facere preces ad Dominum,
manè videlicet cum surgunt, ac vesperi dum cubitum
concedunt.

Deinde exhortabitur eos, ut singulis diebus sacrum
audiant, & diebus Dominicis diuina officia frequen-
tent.

Particulatim verò modum eis præscribet orationes
mentales faciēdi, siue viri, siue mulieres sint, modò tamen
capaces sint: rudioribus autem ostendet quomodo Ro-
sarium, siue Corona, officium B. Virginis, septem
Psalmi pœnitentiales, aut similes aliæ orationes legi de-
beant.

Quod amplius est, omnes suæ fidei concretos eo
inducet, ut examen conscientiæ quotidiè faciant: tem-
pus autem huic rei accommodatum erit, dum vesperi si-
gno publico campanæ simul cum tota familia ad preces
inuitatur. Admoneat quoque eos de frequenti confes-
sione & communione, & paulatim eos secundum B. Au-
gustini consilium in sanctâ eam consuetudinem adducat,
ut diebus Dominicis communicent. (Augusti. epist. 119. ad
Januar. & in lib. de Eccles. dog. cap. 53. & de consec. dist. 2,
cap. quotidie.) Quando autem aliquem nacti erunt,
quem ad hoc præstandum esse videant inidoneum,
conducuntur cum paulatim, ac veluti per gradus quosdam

ed euhere. Primo horribuntur, ut quando omnes debent percipere venerabile Sacramentum, etiam festis toto anno celebrioribus, præter ipsum diem sollemnem Paschæ, quo debent omnes communicare, scilicet festo Pentecostes, Assumptiois B. Virginis, Omnium Sanctorum, Natalis Domini: deinde etiam Dominica in capite Quadragesimæ, pro indulgentijs acquirendis, ac præparatione ad sanctum Quadragesimale ieiunium: paulè post superaddat aliquot dies: postea horretur, ut linguis mensibus semel id præstet. Quod si fiat, facile ad communionem octiduanam erit progredi.

Quomodo dies festos impendere docere debet Confessarius.

Speciali cura eos admonebit Confessarius, ut die festos in honorem servitiumque Divinum impendant, quod ut commodius fiat, auctor eis erit, ut alicui societati sese assident, quæ ex instituto proprio dies festos in orationibus, p[ro]p[ri]jsque operibus expendit: veluti est ea, quam Scholam vita Christiana dicunt. In uniuersum autem patres, matresue familias admoneat, ut familiam suam ad Dei honorem instituant, ac liberorum suorum curam eximiam habeant, qui interim dabunt operam, ut visitent scholas, vbi doctrina Christiana docetur, modo ducant una secum eos festis diebus ad conciones, ad Vespertinas preces, ad prælectiones sacras, modo ad frequentem confessionem, & communionem eos accomodent. Si qui ex filijs uxorem duxerint, curabunt parentes, ut opera maritorum etiam illæ sacramenta frequenterent: vel si uxores sint, cum maritis similiter agant: qua in re in memoriam eis reducant quod S. Paulus ait: 1. Cor. 7. *Maritus bonus (inquiens) sep[tem]e uxorem Christi lucratur, & similiter virum.* Eis qui literas norint, suadentur, ut libros aliquos pios & sancte scriptos emant (à modò facultas suppetat) quos & ipsi legant, ac faciant legi à terra familia circa vesperam, præcipue diebus festis: tales sunt, Vitæ Sanctorum Patrum, Gerson de imitatione Christi, Opera F. Ludouici Granatensis, Exerciti a vita Spirituali, & Rosarium Gasparis Loartis, Practicæ

012-

orationis Spiritualis P. Matthiae Cappucini, Introductio ad vitam deuotam Francisci de Sales, Androtij & P. Gaudier epist. & alij similes.

Divites quomodo admonendi.

Sæpius diuitibus in mentem redigant, eos dispensatores esse diuitiarum, quas possident, quibus ordinem, ac statum suum sustentare, & alere possint, verum id Christianè, modesteque faciendum esse, ut non solum in usu diuitiarum non supra quam eorum vires ferunt, sed potius infra aliquid expendere cernantur, quod etiam Gentiles olim non solum verbis, sed etiam domesticis exemplis ostenderunt. Porro in eleemosynis liberaliter faciendis studeant excellere, ad hoc enim obligantur: ac ne forte aberrent à modo conuenienti, hominum religiosè pieque sentientium consilium in his sequantur.

Postremò secundum vniuersusque modum & conditionem, omnibus & singulis ea prescribant adiumenta, quæ maximè necessaria, utiliaque esse iudicantur, ut in via mandatorum Dei sui ambulent, ac proficiant.

Collegij Societatis IESU Paderborn.

F I N I S.

erländes

anno 1711

1711

1711

1711

1711